

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ՍԱՍԱՆՅԱՆՆԵՐԻ ԱՐԵՎՄՏՅԱՆ ՆՎԱՃՈՒՄՆԵՐԸ ԵՎ ՀԱՅԱՍՏԱՆԸ

Բանասիր. գիտ. դոկտոր Ա. Ա. ՄԱՐՏԻՐՈՅԱՆ

Երրորդ դարի առաջին կեսին Իրանում տեղի ունեցավ դինաստիական հեղաշրջում: Սասանյան Արտաշիրը սպանեց Արշակունի գահակալին և իր անունը դրեց նոր, դեռ սպիտակ արքայացանկում, որ հետո պետք է լրացվեր չորս դար:

Սասանյանները, իշխանության հասնելով, փորձում էին աքեմենյան օրինակով վերագծել Առաջավոր Ասիայի քաղաքական քարտեզը: «Նա (Արտաշիրը) սպանում էր, որ վերստին ձեռք է բերելու ամեն ինչ, որպես նախնիներից իրեն հասանելիք ժառանգություն, այն բոլորը, ինչ մի ժամանակ ունեին հին պարսիկները, մինչև Հելլենական ծովը», — գրում է Դիոն Կասսիուսը¹:

Թե ինչ չափերի էին հասնում առաջին Սասանյանների քաղաքական նկրդատումները, դժվար է ասել, սակայն պարզ է, որ ամենից առաջ նրանք փորձեցին ուղղել իրենց արևմտյան սահմանագիծը: Դրանով պայմանավորվեց Հայաստանի III դարի քաղաքական պատմությունը, որ պատմագիտական երկերում այնպես խառն է և անհստակ:

Այդ շրջանի համար, իբրև աղբյուր, կարևոր է Ագաթանգեղոսի երկը, որով և ստեղծվում է հետագա տրամադրություն: Պատմիչը գրում է, որ հայոց Խոսրով թագավորը, լսելով Արտավանի մահը, չի կարողանում անմիջապես դուրս գալ Արտաշիրի դեմ, բայց հաջորդ տարին («ի միւս ևս ի գլուխ տարւոյն») իր զինակիցների հետ նրան պարտության է մատնում: Դա առաջին բախումն էր: Ծայր է առնում տեական պայքար Սասանյան Իրանի և Արշակունյաց Հայաստանի միջև, և պարսից արքան չի կարողանում ելք գտնել: Նա դիմում է խարդավանքի: Անակի ձեռքով, որ գլխավոր նահապետն էր Պարթևաց տէրութեանն, սպանել է տալիս Խոսրովին: Հետագա ամբողջ պատմությունը հյուսված է Տրդատի և Լուսավորչի շուրջը: Մեզ այս հատվածն է հետաքրքրում:

Խորենացին հենվում է Ագաթանգեղոսի վրա, բայց նա ունի և ուրիշ աղբյուր: Խորենացու մոտ այդ շրջանը ընդգրկում է Արտաշիրի գահակալության

¹ Dionis Cassii Cocceiani, Historia Romana, Lipsiae, 1863, LXXX, 3, հմտ. 2. Մանանդյան, Քննական տեսություն հայ ժողովրդի պատմության, հատ. Բ, մասն Ա, Երևան, 1957, էջ 67 (այսուհետև՝ «Քննական տեսություն»):

2 «Ինչպես հայտնի է, — գրում է Մանանդյանը, — երրորդ դարի առաջին կեսի պատմական անցքերը, որ տեղի էին ունեցել Հայաստանում, բանասիրական և պատմագիտական գրեթե բոլոր նոր երկերում խճճված են և սխալ են լուսարանված» («Քննական տեսություն», էջ 73): Մանանդյանը որոշ պարզություն մտցրեց, բայց նորագույն ուսումնասիրություններում պատմական այդ անցքերը նորից խճճվեցին:

առաջին տարուց (227?)³ մինչև Վալերիանոս կայսրը (253—260), հորենացին Վալերիանոսի օրով է դնում հոսրովի մահը: Հայ պատմագրական ավանդույթի համաձայն Հայաստանը մնացել է աննվաճ մինչև III դարի 50-ական թթ. վերջը:

Ինչպե՞ս են հարաբերում Ադաթանգեղոսի և հորենացու տվյալները արտաքին աղբյուրներին:

Դիոն Կասսիուսը գրում է, որ Արտաշիրը երեք ճակատամարտերում Արտավանին հաղթելուց և նրան սպանելուց հետո պաշարում է Հատրան, «որպեսզի այդ քաղաքն իր համար հենարան դարձնի հռոմեացիների դեմ»: Բայց քաղաքն առնել չի հաջողվում: Նա Միդիայում, ինչպես և Պարթևստանում դրավում է մի շարք շրջաններ և դիմում Հայաստան: «Այստեղ երկրի բնակիչները և միդիացիներից ոմանք ու Արտավանի որդիները, — գրում է Կասսիուսը, — նրան դուրս վանեցին, և նա, ինչպես ոմանք ասում են, փախավ: Իսկ ուրիշներն էլ ասում են, որ ետ քաշվեց, որպեսզի ավելի մեծ զորք գումարի»⁴:

Ումաև՛ ասում են փախավ: Ադաթանգեղոսի բնագրում նույնն է. փախուստեայ լինէր առաջի նոցա: Այդպես և հորենացու մոտ. հոսրովը Արտաշիրին փախուստի է մատնում՝ ճակատ տուեալ ի փախուստ դարձուցանէ: Բայց, թերևս, ճիշտ է մյուս հաղորդումը. ետ քաշվեց, որպեսզի ավելի մեծ զորք գումարի:

Այդ հաղթանակն, ինչպես երևում է, տպավորիչ էր, և հայ թագավորը հրամայում է. «յեթն թագիս մեհենից ուխտաւոր լինել պատկերաց կոոց դիցն պաշտաման»:

Հաջորդ տարին Արտաշիրը նորից դուրս է գալիս արշավանքի: Այս անգամ նա շրջանցում է Հայաստանը: Արագ գրավելով Միջագետքը, Արտաշիրը մտնում է Ասորիք և Կապադովկիա: Բախումը կայսրության հետ անխուսափելի էր: Բայց պահը հարմար չէր Հռոմին: Ալեքսանդր Սևերոսը իր լեգեոններով գալիս է Անտիոք և 232 թ. պատերազմական զործողություններ սկսում պարսից դեմ, իսկ մեկ տարի հետո՝ 233 թ., վերադառնում Անտիոք: Արշավանքն այդպես էլ ավարտվեց, Միջագետքը մնաց հռոմեական:

Ալեքսանդրը իր բանակը բաժանել էր երեք մասի: Ձախից շարժվող զորամիավորումը պետք է անցներ Հայաստանի վրայով, որ Հռոմի բարեկամն էր, ինչպես վկայում է Հերոդիանոսը: Այդ զորախումբը մտավ Միդիա, ավերեց երկիրը, այրեց շատ գյուղեր և ավարը վերցրեց տարավ, — կարդում ենք պատմիչի մոտ: «Աւար առեալ զերկիրն ամենայն՝ յապականութիւն դարձուցանէր զշենանիստ քաղաքացն և աւանացն ցանկալեաց, զշէն երկիրն ամենայն թափուր և աւերակ թողոյր»⁵, — գրում է Ադաթանգեղոսը հոսրովի մասին:

³ Նասանյան դինաստիայի հաստատման տարին որոշ չէ, նրա տատանման սահմանն է 222-ից մինչև 227 թ. (տե՛ս Th. Nöldeke, Geschichte der Perser und Araber zur Zeit der Sassaniden. Aus der arabischen Chronik des Tabari, Lieden, 1879, էջ 110; S. H. Ta g i z a d e h, The Early Sassanian—Bulletin of the School of Oriental studies, University of London, XI, 1943—46, էջ 258—311):

⁴ Dio. Cass., LXXX, 3, հմտ. «Քննական տեսություն», էջ 67:

⁵ Herodianus, Ab excessu divi Marci libri octo, Lipsiae, 1922, VI, 5, հմտ. «Քննական տեսություն», էջ 79:

⁶ «Ադաթանգեղայ Պատմութիւն Հայոց», Տփղիս, 1909, Ա, 12:

Հայկական աղբյուրների համաձայն հռոմեական բանակի այդ շարժումը, որ գլխավորում էր Յունիոս Պալմատուսը, զուգամետ է խոսրովի երկրորդ արշավանքին: Հերոդիանոսը վկայում է, որ Մաքսիմինոսը մեծ բանակ էր ժառանգել Ալեքսանդրից: Նա տարավ գերմանացիների դեմ մավրուսական նետածիգներ և օսրոյենցի ու հայ աղեղնածիգներ, «որոնցից մի մասը հպատակներ էին, մի մասն էլ բարեկամ ու դաշնակից»⁷: Ալեքսանդրի բանակում հայկական տարրը այնքան ուժեղ էր, որ նույնիսկ կարող էր կայսեր թեկնածություն առաջադրել, եթե ճիշտ է Տրեբելլիոս Պոլլիոնի վկայությունը⁸:

Արաաշիրը չօգտվեց Ալեքսանդր Սևերոսի անեռանդ զործողություններից: Մոմզենը բացատրում է, որ պարսից զինվորները հոգնել էին և ցրվեցին տները⁹, բայց թիրևս ճիշտ է խրիստենսենը՝ շտապում էին արևելք, անհնազանդ հպատակներին խաղաղեցնելու համար¹⁰: Ամեն դեպքում դադարը տևեց չորս տարի, և 238 թ. պարսից զորքերը ներխուժեցին հռոմեական Միջագետք:

Մինչ այդ Հուսիս չէր կարողանում որոշել իր բարձրագույն իշխողին, և կայսրերի ճակատագիրն անհաստատ էր: Վերջապես, 238 թ. կայսր ճանաչվեց Դորդիանոս III-ը (238--244), որը 242 թ. պատերազմ է հայտարարում պարսիկներին և զալիս արևելք: Այդ ժամանակ արդեն Արտաշիրին գահակից էր նրա որդին՝ Շապուհը: Գորդիանոսը վերագրվում է ամբողջ հռոմեական Միջագետքը և շարժվում Տիգրոն: Բայց հաջողությունը դավաճանում է երիտասարդ կայսեր. մեռնում է պրեֆեկտ Ֆուրիոս Տիմեսիթոսը՝ կայսեր աներն ու խորհրդատուն: 244 թ. սկզբներին Միսիսեսի մոտ հռոմեացիները Շապուհից ծանր պարտություն են կրում: Գորդիանոսը սպանվում է, և Փիլիպպոս Արաբը կայսր է հռչակվում: Նա շտապում է պարսիկների հետ համաձայնության գալ: Չնայած Հռոմի պարտությանը, պահպանվեց միևնույն դրությունը, և կայսրության արևելյան սահմանները մնացին անփոփոխ:

Այդ դեպքերն արտացոլված են բյուզանդական աղբյուրներում: Զոսարիմոսը գրում է. «Շատ ժամանակ անցնելուց հետո Գորդիանոսը պատերազմեց պարսից թագավորի դեմ և պատերազմի ընթացքում սպանվեց, սակայն նաև այս հաղթանակից հետո պարսիկները ոչ մի բան չգրավեցին հռոմեացիների հպատակության տակ եղածներից: Բայց երբ Փիլիպպոսն իշխանության գլուխ անցավ, նա պարսիկների հետ կնքեց ամենամոթաբեր հաշտությունը»¹¹: «Նա հաշտություն կնքելով պարսից թագավոր Շապուհի հետ, — կարծես շարունակում է Զոնարասը, — դադարեցրեց պատերազմը պարսիկների դեմ և զիջեց նրանց Միջագետքն ու Հայաստանը, բայց երբ տեսավ, որ հռոմեացիները վշտացած են այդ երկրների կորստի պատճառով, մի փոքր հետո դաշնագիրն անվավեր համարեց»¹²:

⁷ Herod., VII, 2, հմտ. «Քննական տեսություն», էջ 80:

⁸ «Ուրիշները ասում են, որ նրան (Տիտոսին) կայսր դարձրին հայկական աղեղնածիգները, որոնց Մաքսիմինոսը ասում էր և վերավորել էր, որպես Ալեքսանդրի դաշնակիցներ», — գրում է Պոլլիոնը («Scriptores Historiae Augustae», XXIV, XXXII, 3):

⁹ Т. Моммзен, История Рима, М., 1949, V, էջ 379:

¹⁰ «The Cambridge Ancient History», vol. XII, 1939, էջ 130 (CAH).

¹¹ Zosimi, Historia nova, Lipsiae, 1887, III, 32, 4, հմտ. «Քննական տեսություն», էջ 83:

¹² «Zonarae epitome historiarum», Lipsiae, 1870, XII, 19, հմտ. «Քննական տեսություն», էջ 83:

նակից հետո էլ պարսիկները «ոչ մի բան չգրավեցին հռոմեացիների հպատակության տակ եղածներից», և Հայաստանն ու Միջագետքը պայմանագրով են զիջվել պարսիկներին։ Ս. Երեմյանը նշում է, որ Փիլիպպոսի կնքած հաշտությանը Զոսիմոսը կոչում է «ամենամոթաբեր», որովհետև Հայաստանը մատնեց թշնամուն։ Զոսիմոսից այդպիսի հետևության դժվար է հանդիլ։ Նա Հայաստանի և առհասարակ որևէ հրկրի անուն չի տալիս։ Նա ասում է, որ Շապուհի հաղթանակից հետո էլ դեռ հռոմեական հպատակության տակ եղածներից պարսիկները ոչ մի բան չգրավեցին և անմիջապես շարունակում. «Բայց երբ Փիլիպպոսն իշխանության ղուլիս անցավ, նա պարսիկների հետ կնքեց ամենամոթաբեր հաշտությունը»։

Ինչպես տեսնում ենք, «ամենամոթաբեր հաշտությունը» վերաբերում է հռոմեական հպատակության տակ եղած հրկրներին (եթև ըստ Զոսիմոսի այդ հաշտությունը սահմանային հարցեր է լուծել), ուշեմն, առհասարակ, չէր կարող կապ ունենալ Հայաստանի հետ, քանի որ այն Հռոմի հպատակության տակ չէր, այլ համարվում էր նրա «դաշնակիցն ու բարեկամը»։

Հայաստանի բաժանման վարկածի մեջ ասանձին գեր ունի Եվագրիոսի վկայությունը։ «Մեծ Հայաստանն առաջ հռոմեացիների հպատակն էր,— գրում է Եվագրիոսը,— բայց Փիլիպպոսը հաջորդեց Դորդիանոսին, ովքեց այն Շապուհին, որով Փոքր Հայքը հռոմեացիների ձեռքը մնաց, իսկ բոլոր մնացածը՝ պարսիկների»¹⁷։ Մարկվարտը կարծում է, որ Փոքր Հայքի տակ Եվագրիոսը նկատի է ունեցել Հայաստանի հարավային շրջանները, Մոփքը և Կորդուքը։ «Իսկապես Մոփքը պիտի մնար կայսրությանը, իսկ թե ինչպես կարող էր առանց վերջինիս սահմանակից Աղձնիք նահանգի Կորդուքը մնալ հռոմեացիների ձեռքում՝ մնում է անհասկանալի։ Սասանյանները այնքան ուժեղ էին, որ համենայն դեպս, իրենց թիկունքում գտնվող Կորդուքը չէին զիջի հռոմեացիներին,— գրում է Ս. Երեմյանը,— Եվագրիոսի մոտ գործածած «Փոքր Հայքի» միակ ճիշտ վերծանումն այն կլինի, եթե նրա տակ հասկանանք Մոփքը և նախկին Փոքր Հայքի հիմնական մասը կազմող (մինչև մ. թ. 66 թ.) Բարձր Հայք նահանգը»։

Այս նախադրյալից էլ ծագում է 244 թ. դաշնագրությամբ Հայաստանի բաժանման վարկածը. «Եթե մեր հզրակացությունը ճիշտ է,— շարունակում է Ս. Երեմյանը,— ապա ստացվում է, որ հռոմեական կայսրությանը մնացել էին Մեծ Հայքից միայն հրկու նահանգ՝ Մոփքը և Բարձր Հայքը, այսինքն նույն երկրամասը, ինչ որ կայսրությունը ստացել էր 387 թ. Մեծ Հայքի թագավորության բաժանման ժամանակ, ուստի 244 թ. դաշնագրով երկու աշխարհակալությունների միջև անցնող սահմանագիծը նույնը պիտի լիներ, ինչ որ հետագայում՝ 387 թ. հաստատված սահմանագիծը»¹⁸։

Անտեղի է Եվագրիոսի մոտ Փոքր Հայք ըմբռնման մեջ ուղղումներ մտցնել։ Եվագրիոսը չէր կարող շփոթել Փոքր Հայքը։ Նա չի ասում Հայաստանի փոքր մասը, կամ նման մի բան, այլ՝ Փոքր Հայք (Armenia minor), իբրև երկրի հատուկ անուն, և Եվագրիոսը դրա տակ այլ բովանդակություն չէր դնի։ Այդ

¹⁷ Evagrius, Historia ecclesiastica, V, 7, հմտ. «Քննական տեսություն», էջ 33։

¹⁸ «Մեծ Հայքի թագավորության բաժանումը», էջ 74։

անունը նա տալիս է Մեծ Հայքի (Armenia maior) անվան հետ միասին՝ Պարզ է, որ նկատի է ունեցել յպատմական Փոքր Հայքը¹⁹։

Մարկվարտին այլ կերպ դատելու առիթ է տվել Նվադրիոսի արտահայտության ձևը, որը մտածել է տալիս, թե Փոքր Հայքը կարծես թե Մեծ Հայքի հատվածն է։ Նվադրիոսը Մեծ Հայքը հոռմեացիներին հպատակ երկիր է համարում, և որովհետև Փոքր Հայքն ինքնին հոռմեացիների տիրապետության տակ էր, նա Մեծ ու Փոքր Հայքերը դիտում է իբրև մեկ ամբողջություն՝ Հայաստան։ Եվ եթե Մեծ Հայքը Փիլիպպոսը զիջում է պարսիկներին, ապա հասկանալի է, որ Փոքր Հայքն մնում է հոռմեացիների ձեռքը, իսկ բոլոր մնացածը՝ պարսիկներին։

Միայն Մարկվարտն էր, որ փորձեց վերծանել այս մեջբերման մեջ դրածոված «Փոքր Հայք» հասկացությունը» (Ս. Երևմյան)։ Այո, և սխալվում է միայն Մարկվարտը։ Սոմզենը, Խրիստենսենը, Հնսլենը և ուրիշներ Նվադրիոսի վկայության մեջ «Փոքր Հայքը» ընդունում են նրա տրագիցիոն խմաստով։

Եթե Նվադրիոսի խոսքերով այդ ժամանակ Հռոմի ձեռքին մնաց միայն Փոքր Հայքը, ապա դա ճիշտ է լուր ասնքանով, որ խաղաղությունից հետո հավանաբար Մեծ Հայքի թագավորի կախվածությունը սոսկ անվանական է եղել», — գրում է Մոմզենը²⁰։ Հնսլենը գտնում է, որ Միջագետքը և Փոքր Հայքը մնացին հոռմեացիներին, ուր Փիլիպպոսը կուսակալ էր նշանակել իր եղբորը՝ Պրիսկուսին²¹։ Խրիստենսենը նույնպես գտնում է, որ Միջագետքը և Փոքր Հայքը մնում էին հոռմեացիների ձեռքին, իսկ Մեծ Հայքի մասին, իբրև անկախ երկրի, պայմանագրում խոսք չի եղել չէր կարող²²։

Պատմաբանը իր վարկածի համար վկայաբերում է Քաաբա ի Զարդուշտի արձանագրությունը. «Մեր ենթադրությունը հաստատվում է վերջերս հայտնաբերված աղբյուրներով, առաջին հերթին Քաաբա ի Զարդուշտի Շապուհ I-ի արձանագրության տվյալներով»²³։

Քաաբա ի Զարդուշտի արձանագրությունը (SKZ) այդպիսի հիմքեր չի տալիս։ Այն լիովին համաձայն է բյուզանդական աղբյուրներին։ Արձանագրությունը Շապուհ I-ը հրամայել է փորագրել 262 թ.։ Դա նրա արևմուտք կատարած երեք արշավանքների կամ երեք հաղթանակների տարեգրությունն է։ Առաջինը տեղի ունեցավ Միսիսեսի մոտ, երկրորդը՝ Բարբալիսոսի տակ և երրորդը՝ Եղեսիայի ու Խառանի միջև։ Մեղ հետաքրքրում է առաջին արշավանքը. «Ապա երբ ես նոր էի հաստատվել իշխանության, — կարդում ենք այնտեղ, — Գորդիանոս կայսրը ամբողջ հռոմեական, զոթական և զերմանական թագավորությունների հետ ուժեր կազմեց և եկավ Ասորիստանի դեմ. ընդհուպ մինչև արիների թագավորությունը։ Եվ Ասորիստանի սահմանի վրա Միսիսեսի մոտ մի մեծ ճակատամարտ տեղի ունեցավ։ Գորդիանոս կայսրը

¹⁹ Ասենք թե այդպես չէ. բայց ինչո՞ւ չի կարող Կորդուքը առանց Աղձնիքի մնալ հոռմեացիների ձեռքին, եթե ընդունվում է, որ Միջագետքը պարսիկներին չէր արված։ Միջագետքը հյուսիս-արևելքից սահմանակից է Կորդուքին և ավելի կարելի է մտածել, որ Աղձնիքն է հոռմեացիների թիկունքում, քան Կորդուքը՝ պարսիկների. որովհետև Սասանյաններն այդքան ուժեղ չէին։

²⁰ «История Рима», էջ 380։

²¹ САН, էջ 380։

²² Սույն տեղում, էջ 131։

²³ «Մեծ Հայքի թագավորության բաժանումը», էջ 74։

սպանվեց: Հոռոմեական ուժերը ջարդվեցին: Իմ հոռոմեացիները Փիլիպպոսին դարձրին կայսր: Ապա Փիլիպպոսը եկավ մեզ մոտ հաշտություն խնդրելու և տվեց 500 հազար դինար փրկագին իր ընկերների կյանքի դիմաց և դարձավ մեզ հարկատու: Իմ մենք այս գեպքի առթիվ Միսիխեսը անվանեցինք Պերոզ Շապուհը»²⁴:

Ուրեմն արշավանքը վերջանում է նրանով, որ Փիլիպպոսը հաշտություն է խնդրում («Ապա Փիլիպպոսը եկավ մեզ մոտ հաշտություն խնդրելու») և զերված զինվորների համար վճարում 500 հազար դինար փրկագին. «Գարձավ մեզ հարկատու», — ավելացնում է Շապուհը պարծանքով: Ուրիշ ոչինչ: Մյուս գեպքերում նա թվում է այն երկրները և քաղաքները, որ զրավել կամ ձեռք է բերել: Այստեղ տերիտորիալ նվաճումների մասին խոսք չկա: Եթե Միջագետքը և Հայաստանը զիջված լինեին պարսիկներին, անշուշտ դա կարտահայտվեր արձանագրության մեջ: Արձանագրությունը պարզ վկայում է, որ շնայած հաղթանակին, Շապուհը չի կարողացել որևէ առավելության հասնել, և երկու տերությունների միջև սահմանն անցել է նույն գծով: Այդպես է և բյուզանդական աղբյուրներում:

Բայց Հայաստանը արդյո՞ք նախապես զիջվեց պարսիկներին, իսկ հետո կայսրը շուրջ կատարել իր պարտավորվածությունը (Մոմյեն), մենա՞կ թողնվեց պարսիկների դեմ (Շիլլեր), հաշտությունը նրա՞ իբրև անկախ երկրի հետ ոչ մի առնչություն չունեցա՞վ (Խրիստենսեն), թե՞ պարսիկներն արդեն չբավել էին և Փիլիպպոսը վավերացրեց (Երեմյան):

SKZ-ը օգնում է պարզություն մտցնելու: «Այնուհետև կեսարը երկրորդ անգամ (հունարեն օրինակում՝ նորից) ստեց և Արմենիայում անարդարություն կատարեց»²⁵, — այդպես է սկսում Շապուհն իր բարբալիսոսյան կամ երկրորդ արշավանքի «տարեգրությունը»: Նշանակում է արդեն ստել էր, որ երկրորդ անգամ (կամ նորից) ստեց: Բայց ե՞րբ ստեց առաջին անգամ: Նա, անշուշտ, նկատի ունի Փիլիպպոսի պայմանագիրը, քանի որ նորից ստությունը վերաբերում է հաջորդ կամ բարբալիսոսյան արշավանքին: Դրանով SKZ-ն հաստատում է, որ Փիլիպպոսն իսկապես հաշտությամբ պարսիկներին է զիջել Միջագետքը և Հայաստանը, կամ համաձայնվել շոնչվելու Հայաստանի հետ, բայց չի կատարել իր պայմանավորվածությունը, ինչ վկայում է Զոնարասը:

Այդպիսով, 244 թ. հաշտությունից հետո Հայաստանը պահպանում է իր նախկին դրությունը: Շապուհը փորձ չի անում զենքով ստիպելու Փիլիպպոս Արաբին պահել իր կայսերական խոսքը: Նրան խաղաղությունն անհրաժեշտ էր արևելքում նոր արշավանքի համար: 245 թ. մինչև 248/9 թթ. Շապուհը զբաղված էր քուշանների դեմ պատերազմով²⁶, ապա վերադառնում է արևմուտք և սկսում իր երկրորդ արշավանքը: Առիթը, ինչպես տեսանք, Հայաստանն էր, կեսարի ստությունը: Շապուհի առաջին արշավանքն ուղղված էր Գորդիանոսի դեմ, որը սպանվեց, և նրան փոխարինեց Փիլիպպոսը, երրորդ արշավանքը՝ Վալերիանոսի դեմ, որ զերի ընկավ: SKZ-ը հիշում է կայսրերի

²⁴ M. Springling, *Third Century. Iran, Sapor and Kartir*, Chicago, 1953.

²⁵ Նույն աղբյուր, էջ 25:

²⁶ Sbe B. Г. Луконин, *Завоевания Сасанидов на Востоке и проблема Кушанской абсолютной хронологии*, ВДП, 1969, № 2, էջ 34:

անունները, բայց ո՞վ էր Հոռմի կայսրը երկրորդ արշավանքի ժամանակ, չի տալու: Արձանագրությունը տալիս է նրա անունը, ով եղավ երկրորդ պատերազմի առիթը: Կեսարը նորից՝ ստեց. մի անգամ ստողը Փիլիպպոս Արաբն էր և թեև նորից ստեց, ուրեմն խոսքը նրան է վերաբերում:

Այժմ տեսնենք, թե որն էր կեսարի երկրորդ ստությունը:

Խորենացին պատմում է, որ Խոսրովը պարսիկների դեմ արշավելու համար օգնություն է խնդրում Փիլիպպոսից: Փիլիպպոսը հռոմեական զնդեր չի ուղարկում, բայց հրամայում է Հոռմի արևելյան տիրույթներում գտնվող երկրներին զինակցելու նրան. «Աղմուկ խռովության լեալ ի թագաւորութեանն Փիլիպպոսի՝ ոչ կարաց ի Հոռմայեցւոց զնդացն պարսպեցուցանել, առ ի զօրաւիգն լինել Խոսրովայ: Այլ օգնէ նմա ի ձեռն գրոյ, հրամայելով սատարել նմա լամենայն կողմանց: Որոց ընկալեալ զայսպիսի հրաման՝ հասանեն նմա յօգնականութիւն յնգիպտոսէ և յանապատէն մինչև ի ծովեղբարն Պոնտոսի»: Խոսրովը հաղթանակ է տանում. «Որոյ գտեալ զայսչափ բաղմութիւն, խաղալ ի վերայ Արտաշիւի, և ճակատ տուեալ՝ ի փախուստ դարձուցանէ, թափելով ի նմանէ զԼսորեստան և զայլ արքայանիստ աշխարհս»²⁷:

Խորենացու այս հաղորդումը լրացնում է SKZ-ի տվյալները: Ահա թե ինչպես կեսարը նորից ստեց: Նա Հայաստանի նկատմամբ դարձյալ չեղորոշություն չի պահում, որ և առիթ է տալիս Շապուհի երկրորդ արշավանքին: Խոսրովի ելույթը պետք է տեղի ունեցած լինի 249 թ. ոչ ուշ: 249-ը Փիլիպպոսի թագավորության վերջին տարին է:

Անշուշտ, Խոսրովը (Տրդատ II) հարմար պահ էր ընտրել իր ռազմերթի համար: Այդ ժամանակ Շապուհը զբաղված էր քուշանների դեմ պատերազմով, և Տրդատը փորձում էր հարվածել նրան արևմուտքից, քուշանների հետ ստեղծելով ընդհանուր ճակատ:

Ճիշտ է և ոչ անխորհուրդ, որ Խորենացին Շապուհի փոխարեն տալիս է Արտաշիւրի անունը: Դա Արտաշիւր I-ը չէ, այլ՝ Որմիզդ-Արտաշիւրը, Շապուհ I-ի սրդին, որ ղեկավարում էր պատերազմական գործողությունները արևմուտքում և դարձավ «Հայաստանի մեծ թագավոր»:

Հաջորդ տեղեկությունը մենք կարդում ենք Զոնարասի մոտ. «Առ սովառ սկսան խլրտել Պարսիկք, որ հասին գրաւեցին զՀայաստան, ուստի փախեալ արքայն (Հայոց) Տրդատ, այլ որդիք նորա անկան առ Պարսիկս»²⁸, «Առ սովառ» ասելով՝ Զոնարասը նկատի ունի Գալլոս կայսեր (251—253): Եթե պարսիկ հասին գրաւեցին և դա՛ առ Գաղղեալ, ապա մինչ այդ նրանք դեռ չէին հասել և գրավել, և Հայաստանը մնում էր աննվաճ:

Բայց նույնիսկ Գալլոսի ժամանակ և նրանից հետո էլ, մինչև վաղերիա-նոսի դերումը, Հայաստանը զինքով չէր նվաճված: Հայաստանի գրավումը այլ հանդամանքների հետեանք էր: Դա թույլ են տալիս մտածելու Զոնարասի հաղորդումը և SKZ-ը²⁹:

Գալլոսի ժամանակ Հայաստանում կատարվող զեպքերը թերևս Շապուհի

²⁷ «Մովսեսի Խորենացույ Պատմութիւն Հայոց», Տիգրս, 1913, Բ, հր.

²⁸ Zonaras, XII, 21, հմտ. Տաշյան, Աղաթանգեղոս առ Գեորգա ասորի, էջ 106:

²⁹ «Շապուհը գրավեց Հայաստանը: Զի բացառված, որ այն ենթարկվեց նրան ինքնակամ», — նկատում է Մոմկենը («История Рима», էջ 387): Լուկոնիկը գտնում է, որ Իրանի կոնֆեդերացիայում այդ շրջանից մինչև 262 թ. Հայաստանն ավելի շուտ կախվածության մեջ էր, քան զինքով նվաճված («Завоевание», էջ 32):

երկրորդ արշավանքի նախերգանքը եղան: Այս արշավանքի ժամանակագրությունը չի ճշտված³⁰, բայց ամեն դեպքում հայ ավագանու հետ Շապուհի քաղաքական դործառնությունն ավարտվեց 252/3 թ., իսկ Հռոմի հետ նրա պատերազմական հիմնական գործողությունները ծավալվել են 253 թ. հետո միայն, և ոչ մի խաղաղություն չի կնքվել³¹:

Շապուհն իր արշավանքն սկսում է Լիգիաբենների վրայով: Նա հասնում է մինչև Կիլիկիա և Կապադովկիա, անցնում Մեծ Հայքի արևմտյան եզրերով, դրավում Դոմանա քաղաքը, որ ընկած է Փոքր Հայքի սահմանին: Իսկ Սև ծովի փոքրասիական ափերը ողողում էին սկյութական ցեղերը, գոթերը և ալամանները: Բարբալիսոսի մոտ Շապուհը մեծ հաղթանակ է տանում: Նա հաշվում է 37 քաղաք և բերդ (SKZ-ում թվարկված է 29), որ նվաճել է իր երկրորդ արշավանքի ժամանակ: Մեծ Հայքի կենտրոնական և ոչ մի բնակավայր չի հիշատակվում: Զոսիմոսը նույնպես, խոսելով այդ արշավանքի մասին, Հայաստանի անունը չի տալիս: Նա գրում է. «Մտին Պարսիկք յԱսիա եղծեալ աւերեալ զՄիջագետս և յԱսորիս ևս դիմէին խաղացեալք մինչև ցԱնտիոք, մինչև առնուլ ևս դայն, որ ամենայն արևելից մայր քաղաքաց էր. զմասնս ի բնակչաց կոտորէին և զայլս խաղացուցանէին ի գերութիւն և առեալ աւար բազում յոյժ ի բաց մերժէին անտի» (հմմտ. Տաշյան, էջ 106): Հայաստանը հարձակման գծից մնում է դուրս: Շապուհի «ձիերն ու մարդիկ» չեն

³⁰ Հռոմի դեմ «Շապուհի երկրորդ արշավանքը սկսվեց շուրջ 256 թ.», — գրում է Լուկոնին: «Մեծ պատերազմը» հավանաբար սկսվեց 254 կամ 255 թ., — շարունակում է մի փոքր հետո Լուկոնինը, ինչ-որ հակասելով իրեն («Завоевание», էջ 33 և 34): Նա հենվում է Honigsmann-ի և Maricq-ի վրա («Recherches sur les Res Gestae divi Saporis», Bruxelles, 1953, էջ 131—151): Cage-ն այլ կարծիքի է, նա մեծ սկիզբը դնում է 253 թ. («La montée des Sassanides», Paris, 1964, էջ 158):

³¹ «252/3 թ. երկու մարանդող պետությունների միջև խաղաղություն էր կնքվել և ճանաչվել էին 244 թ. հաշտության պայմանները», — գրում է Ս. Նրեմյանը («Մեծ Հայքի թագավորության բաժանումը», էջ 82), «Սրանով վերջացավ Սասանյան Իբանի երկրորդ արշավանքը», — լրացնում է նա (նույն տեղում, էջ 81): Համաձայն Ս. Նրեմյանի հոմեոցիսները, Գորգիանոսից մինչև Վալերիանոս, պարսիկների հետ խաղաղություն են կնքել 243, 244, 245, 253 և 256 թթ. (տե՛ս, համապատասխանաբար, «Մեծ Հայքի թագավորության բաժանումը», էջ 75, 76, 80, 82): Բացի 244 թ. ոչ մի խաղաղություն չի կնքվել: Գրեն աղբյուրները չեն հաղորդում որևէ տվյալ: Հեղինակի այդ ցանկի մեջ 243 և 245 թթ. թերևս վրիպակ են, 253 թ.՝ անհասկանալի, իսկ 256 թ. համար նա հետևում է Լուկոնինին: Վերջինս, հենվելով Նախ ի Ռուստեմի մի բարձրաբանդակի վրա, գրում է. «Շուրջ 256 թ. պատերազմը ընդհատվել է և խաղաղություն կնքվել: Մենք չգիտենք պայմանները» («Культура Сасанидского Ирана», М., 1969, էջ 57): «Շուրջ 256 թ. պատերազմական գործողությունները դադարեցին և երկու աշխարհակալությունների միջև կնքվեց խաղաղություն, որի կոնկրետ պայմանների մասին մենք տեղեկություն չունենք», — գրում է Ս. Նրեմյանը («Մեծ Հայքի թագավորության բաժանումը», էջ 82): Վերևում տեսանք (ծան. 30), որ Լուկոնինը հոմեոցիսների դեմ Շապուհի երկրորդ պատերազմի սկիզբը համարում էր 256 թ.: Թերևս նույն 256 թ. եղել է և՛ պատերազմի սկիզբը և՛ հաշտության, բայց այդ կարճ պահի համար բարձրաբանդակ չէին ստեղծի: Իսկ եթե պատերազմի սկիզբը համարենք նրա ընդունած մյուս թիվը՝ 254 կամ 255 (ծան. 30), այդ դեպքում հնարավոր է, որ պատերազմը դադարել է որոշ ժամանակից հետո (256 թ.), բայց Լուկոնինը անմիջապես ավելացնում է. «Պատերազմը շարունակվեց փաստորեն առանց ընդհատման մինչև 262 թ.» («Завоевание», էջ 34): Եթե պատերազմը 254/5-ից մինչև 262 թ. շարունակվել է առանց ընդհատման, ապա այլևս խաղաղության տեղ չի մնում: 256 թ. խաղաղություն չի կնքվել և Նախ ի Ռուստեմի բարձրաբանդակը ուրիշ մեկնություն է պահանջում: Վալերիանոսը արևելք եկավ ոչ թե հաշտության համար, այլ նվաճված երկրները հտվեցնելու: Որոշ տվյալների համաձայն նա արևելք է եկել նույն 256 թ.:

մտնում այնտեղ: Այդ նշանակում է, որ մինչ այդ Հայաստանն անցել էր պարսիկների կողմը: Եթե այն զենքով նվաճվեր, Շապուհը չէր մոռանա այդ մասին փորագրել տալ Քաաբա ի Զարդուշտի պատերին:

Այդ ժամանակ կայսրությունը զբաղված էր գերմանական ցեղերով, որոնք ծանր նստել էին Հռոմի ճակատագրին: Ծայր էր առել ժանտախտը, և հոռմական արևելքը մնացել էր գրեթե անտերունչ, ուր ազատորեն զբոսնում էին հյուսիսային հենդյուն ու թշնամական զորախմբերը: Նրանց պարբերական ներխուժումները թուլացրել էին Հռոմի դիմադրողականությունը: Այս պայմաններում Հայաստանում բարձրանում է պարսկական կողմնակցությունը, որ երկրում քաղաքական հող ուներ ու ավանդույթ: Դեպի արևմուտք մեծ արշավանքի դուրս գալուց առաջ Շապուհը նախ ապահովում է իր թիկունքը. նա հրապուրում է հայ ավագանուն, և թագավորը փախչում է հունաց կողմերը, իսկ որդիները հարում են պարսիկներին: Երկիրը երկարատև պայքարից հոգնած՝ տեղի է տալիս: Այդպես Հայաստանը ճանաչեց պարսից գերիշխանությունը, առանց նրա կողմից նվաճվելու: Պահպանվեց նախկին դինաստիան³²: Գահ է բարձրանում Տրդատի որդիներից մեկը:

Ազգային ավանդույթի համաձայն՝ խոսքով թագավորը սպանվեց պարսից արքայի խարդավանքով, Անակի կողմից, որ Հայաստան էր եկել իբր ապստամբ, իսկ Եղիշեի մոտ տեղեկություն է պահպանված, որ նրան սպանեցին եղբայրները³³, խոսքովի մահից հետո փախցնում են նրա որդուն՝ Տրդատին: Պատմագիտության մեջ հաճախ այս Տրդատին (որ Տրդատ Մեծն է) նույնացնում են Զոնարասի հիշատակած Տրդատի հետ: Համաձայն խորենացու, խոսքովի սպանությունը կատարվել է Վալերիանոսի ժամանակ, Զոնարասի մոտ՝ Տրդատը փախչում է Գալլոսի օրով: Չէր կարող որդին երկիրը թողնել հոր մահվան պատճառով, բայց նրա մահից առաջ: Տրդատը պետք է երևալ լինե՞ր («մանկիկ մի փոքրիկ»), երբ նրան տանում էին հունաց կողմերը, իսկ այստեղ հասուն մարդ է, որդիների հայր, որոնք չեն ուզում հետևել նրան: Վերջապես Տրդատի փախուստի համար Զոնարասը բոլորովին այլ շարժառիթներ է նշում, քան ազգային ավանդույթը: Նա պետք է լինի ոչ թե խոսքովի որդին, այլ հայրը՝ Տրդատ II-ը, որին թագ տվեց Մակրինոսը 217 թ.: Քառորդ դարից ավելի նա է պայքարում Սասանյան Պարսկաստանի դեմ: խոսքովի գահակալությունը և մահը ընկնում է Տրդատ II-ի փախուստից հետո (252/3 թ.), մինչև 257/8 թ.:

Վալերիանոսը դալիս է արևելք՝ դիմագրավելու պարսիկներին: Խառանի և Եղեսիայի մոտ տեղի ունեցավ ճակատամարտ, որ անհաջող էր հռոմեացիների համար և կանխորոշեց հետագա իրադարձությունները: Վալերիանոսը գերվում է 260 թ. սկզբին: Այդ առթիվ Տրեբելլիոս Պոլլիոնը հիշատակում է հայոց թագավոր Արտավազդի նամակը Շապուհին: Արտավազդի ինքնությունն այստեղ մեզ չի հետաքրքրում³⁴, բայց 260 թ. համար նա հիշատակվում է իբրև

³² Ս. Երևմյանը կարծում է, որ Տրդատ II-ին փոխարինեց Արտավազդը (252/3—261), «որին ճանաչեց Շապուհ I-ը», իսկ խոսքովը իր հոր՝ Տրդատ II-ի հետ դնաց Հայաստանի հռոմեական մասը, ուր և թագավորեց 273—287 թթ. («Մեծ Հայքի թագավորության բաժանումը», էջ 81):

³³ Եղիշեի Վասն Վարդանայ և Հայոց պատերազմին», Երևան, 1957, էջ 72:

³⁴ Ալիշանը կարծում է, որ դա Արտավազդ Մանդակունին է՝ Տրդատի խնամակալը («Այրարատ», էջ 374), Տաշյանը համարում է նրան Շապուհի կողմից զրկած «թագավոր մը» («Ազգա-

Հայաստանի գերագույն իշխողը Արտավազդի նամակից երևում է, որ Հայաստանը այդ ժամանակ դեռ անկախ էր. շնայած հարում էր պարսիկներին: Դրան համաձայն են և հայկական աղբյուրները:

Խոսրովի մահից հետո (257/8 թ.) նախարարները միաբանում են՝ երկիրը պարսիկների ներխուժումից ապահովելու համար և գիմում հռոմեացիների օգնությանը. «Յետ սուսերահարն լինելոյ Խոսրովու, միաբանեալ նախարարք Հայոց ածեն իւրեանց յօգնականութիւն զգօրս Յունաց, որ ի Փոլսիս՝ պարսից ընդդիմանալ և պահել զաշխարհս»³⁵, — գրում է Խորենացին: Ուրեմն Խոսրովի մահից հետո Հայաստանը չէր նվաճված, և Արտավազդի իշխանությունը վերաբերում է այդ շրջանին: Խորենացու ասածներից երևում է, որ հռոմեացիները անդոր էին օգնելու, և Շապուհի որդին՝ Արտաշիրը մտնում է Հայաստան. «Վասն որոյ, — գրում է նա, — համարձակաբար արշաւեալ ի մեզ Արտաշրի, և զգօրս Յունաց փախստական արարեալ, գերելով զյովով մասն աշխարհիս՝ յաւեր դարձուցանէ»³⁶:

Կարելի է որոշել, թե պարսիկները երբ նվաճեցին Հայաստանը: Արտավազդը Շապուհին նամակ է գրում Վալերիանոսի գերության առթիվ: Վալերիանոսը գերվել է 260 թ., SKZ արձանագրությունը գրված է 262 թ. ոչ առաջ, այնտեղ երկու անգամ Որմիզդ-Արտաշիրը հիշվում է իբրև «Հայաստանի մեծ թագավոր»: Նշանակում է՝ պարսիկների իշխանության սկիզբը պետք է համարել 260 և 262-ի միջև ընկած թիվը՝ 261: Այդպես է և Խորենացու տվյալներով: Խորենացին գրում է, որ ազգային պետության բարձունից հետո Հայաստանում ծալք է առնում անիշխանության շրջանը՝ «Ժամանակս անիշխանութեան», որ տևել է 27 տարի: Նա անիշխանության վերջը (Տրդատ Մեծի գահակալության տարին) համարում է «յերրորդի ամի Դիոկղետիանոսի», այսինքն 287 թ.: Եթե դրանից 27 տարի ետ պնանք, կստանանք 261 թ.³⁷:

Թանգեղոս առ Գեորգա ասորի», էջ 113): «Դժվար է, թե այդ անձը թագավոր մը եղած ըլլա, թերևս գործակալ կամ հրամանատար մը էր և թերես նույնն է Մամիկոնյան այն Արտավազդին, որ ճիշտ այդ ժամանակները կապրեր և քիչ առաջ փոքրիկ Տրդատը փախցնելով փրկած էր», — խորհում է Աստուրյանը («Քաղաքական վերաբերություններ», էջ 245): «Հնարավոր է, որ դա եղել է Տրդատ II-ի իսկամիտ որդիներից մեկը», — գրում է Աննիսկին (նշվ. աշխ., էջ 44): Մանանդյանն այս ամենը համարելով չհիմնավորված՝ գրում է. «Կարելի է միայն հավանական համարել, որ այս Արտավազդ թագավորը, որը Սասանյան Պարսկաստանի կողմնակից էր, Հայ Արշակունիների տոհմից չէր» («Քննական տեսություն», էջ 93): Թումանովը հավաստի չի համարում Արտավազդի մասին (իբրև հայոց թագավորի) Տրեբելլիոս Պոլիոնի վկայությունը (տե՛ս «Revue des études Arméniennes», 1969, էջ 255—256): Ս. Երեմյանը նախ համաձայնում է Մանանդյանի հետ, որ Արտավազդը Հայ Արշակունիների տոհմից չէր և ընդունում Ալիշանի կարծիքը. «Ստորև կտեսնենք, — գրում է նա, — որ այդ ենթադրությունը հավանական է դառնում Res gestae-ի տվյալների լույսի տակ» («Պատմա-բանասիրական հանդես», 1966, № 2, էջ 62—63). հետո նա գտնում է, որ Արտավազդը, անշուշտ, Արշակունի զինաստիպից էր և տարագիր Տրդատ II-ի ազգականներից՝ Արշակունի սկպոհներից մեկը («Նոր նյութերի հետազոտությունը բերեց հակառակ եզրակացության», — գրում է նա (ՀՍՍՀ ԳԱ «Լրաբեր» (հաս. գիտ.), 1975, № 1, էջ 14): Իր երրորդ հոդվածում Ս. Երեմյանն Արտավազդին համարում է «Տրդատ II-ի որդիներից մեկը, կամ նրա եղբայրը» («Պատմա-բանասիրական հանդես», 1976, № 1, էջ 91): Կարծում ենք ճիշտ է Ալիշանը, որ հենվում է Խորենացու վրա:

³⁵ Խորենացի, Բ. հղ:

³⁶ Նույն տեղում: «Զգօրս Յունաց փախստական արարեալ» բառնից բխում է, որ երկրում դեռ հռոմեական զորքեր կային:

³⁷ Անիշխանության շրջանը, Խորենացու 27 տարվա դիմաց, Ս. Երեմյանը հաշվում է նախ 50 տարի՝ 237—287 թթ. («Նախը ի Ռուստեմի Քաաբա ի Զարդուշտի» հուշարձանի արձանա-

Վերջապես կա նաև մի երրորդ տվյալ: Սեբեոսը, հիշելով Խոսրովի մահը, որով ընդհատվում է Արշակունիների իշխանությունը Հայաստանում, ավելացնում է. «Եւ տիրէ ի վերայ՝ աշխարհիս Հայոց Արտաշիր արքայ պարսից, ամս ժԱ»³⁸, Որմիզդ-Արտաշիրը Պարսից գահը ժառանգել է 272 թ.: Մինչ այդ նա տասնմեկ տարի («ամս ժԱ») իշխում էր Հայաստանում: Եթե 272 թ. տասնմեկ տարի դուրս գանք, նրա գահակալության սկիզբը կլինի 261 թ.:

Այդպիսով, հայկական և օտար աղբյուրների համաձայն Հայաստանը դիմագրավում է Սասանյաններին Արտաշիր I-ի գահակալության երկրորդ տարուց մինչև 261 թ.:

ЗАВОЕВАНИЯ САСАНИДОВ НА ЗАПАДЕ И АРМЕНИЯ

Доктор филол. наук А. А. МАРТИРОСЯН

(Резюме)

Статья посвящена политическим отношениям между Сасанидским Ираном и Арменией в первой пол. III в. Придя к власти, Сасаниды предприняли ряд походов на запад, чтобы восстановить границы державы Ахеменидов. Долгое время Армения отражала эти натиски, оставаясь независимой. В статье делается попытка установить хронологические рамки рассматриваемого периода—от времени восшествия на престол Ардашира I до 261 г., после чего началось, по выражению Хоренаци, «время безначалья». Анализ событий показывает, что мирный договор, заключенный в 244 г. императором Филиппом и Сапором I, действительно не изменил границ между Ираном и Римской империей.

գրության վկայությունները Հայաստանի մասին», էջ 68), ապա՝ 36 տարի՝ «262—298 թթ. միջև» («Մեծ Հայքի թագավորության բաժանումը», էջ 82):

³⁸ «Սեբեոսի եպիսկոպոսի Պատմություն», Երևան, 1939, էջ 15: